

ԽՐԻՄԵԱՆ ՀԱՅՐԻԿ

Նահապետն է նա, դարերի խորֆից,
Ոտքերը փոշոտ, կապան պատրուած,
Հանդարտ ֆայլերով եկող, մեզ հասնող,
Քրտնաթոր դէմքն է սրբում իր թելով:
Ծարաւից պապակ շրթներն է թրջում,
Դարերի խորֆից եկող հայեացքով
Դիտում է իր շուրջն ու խօսում փութով:

Նրա սրտի մէջ՝ անհուն բարութիւն,
Նրա աչքերում մեղըրն է կարծես
Հալւում ու հոսում, եւ նրա շրթից
Դուրս եկող խօսքերն իրենով օծում:
Մարգարէն է նա Սինայից եկող,
Ասես Մովսէսն է ժայռից ջուր ֆամող,
Անապատում նա օձ է բարձրացրել,
Իր ժողովրդի վերքերն է բուժել,
Մահուան դէմ դրել, մահուան է յաղթել:

Նահապետն է նա Սուրբ Գրքից եկած.
Ցան հայոց նրան լոյս աշխարհ բերեց,
Իր ցաւակցելով մեր ցաւը կիսուեց,
Ցաւից ու վշտից նոր ծաղիկ բացուեց
Մեր պարտէզներում եւ մեր սրտերում:

Նրա օրհնութեամբ երկնքից իջնող
Երազներն են մեր իրականանում,
Նրա փոխարէն ազգը իր սիրած
Հասել է արդէն դարեր ըղձացուած
Երազին անհաս՝ իր ազատութեան:

Հայրի՛կ դու հայոց, ննջի՛ր դու անդորր,
Պատգամն է քո, տե՛ս, դարձել կեանք մեզ նոր,
Ազատ եւ անկախ կեանքով ենք ապրում
Աւետեաց երկիր մեր հայրենիքում:

ՆԵՐՍԷՍ ՎԱՆԱԿԱՆ